

SYARAT LANTIKAN PENSYARAH UNIVERSITI GRED DS45/ DS51/ DS53/ VK7(DS):

- a) warganegara Malaysia; dan
- b) berumur tidak kurang dari 18 tahun pada tarikh tutup iklan jawatan; dan

KELAYAKAN LANTIKAN KE GRED DS45

- c) (i) ijazah Sarjana dalam bidang berkaitan yang diiktiraf oleh kerajaan daripada institusi-institusi pengajian tinggi tempatan atau kelayakan yang diiktiraf setaraf dengannya; atau
(Gaji permulaan ialah pada Gred DS45: RM3,070.00);
- (ii) ijazah Sarjana Muda Seni Bina atau diploma lanjutan dalam bidang berkenaan yang diiktiraf oleh kerajaan daripada institusi pengajian tinggi tempatan atau kelayakan yang diiktiraf setaraf dengannya serta telah berdaftar penuh dengan Lembaga Arkitek Malaysia; atau
(Gaji permulaan ialah pada Gred DS45: RM3,070.00);
- (iii) Ijazah Doktor Perubatan Veterinar dan diploma lanjutan dalam bidang berkenaan yang diiktiraf oleh kerajaan daripada institusi-institusi pengajian tinggi tempatan atau kelayakan yang diiktiraf setaraf dengannya; atau
(Gaji permulaan ialah pada Gred DS45: RM3,070.00);
- (iv) kelayakan Perubatan Veterinar yang berdaftar sebagai Doktor Veterinar di bawah Jadual II Bahagian I, Akta Doktor Veterinar 1974 dan diploma lanjutan dalam bidang berkenaan yang diiktiraf oleh kerajaan daripada institusi-institusi pengajian tinggi tempatan atau kelayakan yang diiktiraf setaraf dengannya; atau
(Gaji permulaan ialah pada Gred DS45: RM3,380.37);
- (v) ijazah doktor falsafah (PhD) dalam bidang berkaitan yang diiktiraf oleh kerajaan daripada institusi-institusi pengajian tinggi tempatan atau kelayakan yang diiktiraf setaraf dengannya.
(Gaji permulaan ialah pada Gred DS45: RM3,380.37);

KELAYAKAN LANTIKAN KE GRED DS51

- d) (i) memenuhi syarat lantikan ke Gred DS45; dan
- (ii) membuktikan tahap kecemerlangan akademik yang istimewa mutunya; dan
- (iii) mempunyai pengalaman berkaitan yang luas dalam bidang-bidang berkenaan.
(Gaji permulaan ialah pada Gred DS51: RM5,855.00);

KELAYAKAN LANTIKAN KE GRED DS53 (PROFESOR MADYA)

- e) (i) memenuhi syarat lantikan ke Gred DS45; dan
- (ii) membuktikan tahap kecemerlangan akademik yang sangat istimewa mutunya; dan
- (iii) mempunyai pengalaman berkaitan yang luas dalam bidang-bidang berkenaan.
(Gaji permulaan ialah pada Gred DS53: RM6,162.00);

Kelulusan:

KELAYAKAN LANTIKAN KE GRED KHAS C (PROFESOR)

- f) (i) memenuhi syarat lantikan ke Gred DS45; dan
- (ii) membuktikan tahap kecemerlangan akademik yang terkemuka mutunya; dan
- (iii) mempunyai pengalaman berkaitan yang luas dalam bidang-bidang berkenaan. (Gaji permulaan ialah pada Gred Khas: RM7,190.00); dan
- g) Kepujian (sekurang-kurangnya Gred C) dalam subjek Bahasa Melayu (termasuk lulus Ujian Lisan) pada peringkat Sijil Pelajaran Malaysia atau kelulusan yang diiktiraf setaraf dengannya oleh Kerajaan.

SYARAT KHUSUS UNIVERSITI**1. Pensyarah Universiti Gred DS45**

- a) Ijazah Sarjana Muda dengan Kepujian dan Ijazah Sarjana yang cemerlang; dan
- b) Berumur tidak lebih daripada 35 tahun pada tarikh tawaran; atau
- c) Ijazah Doktor Falsafah tetapi tidak memenuhi syarat lantikan gred DS51 yang sedang berkuat kuasa.

Pensyarah Universiti Gred DS45 (Seni Bina)

- a) Ijazah Sarjana Muda Seni Bina dengan Kepujian yang cemerlang; atau
- b) Ijazah Sarjana Seni Bina yang cemerlang; dan
- c) berumur tidak lebih daripada 35 tahun pada tarikh tawaran; atau
- d) Ijazah Doktor Falsafah (PhD) tetapi tidak memenuhi syarat lantikan gred DS51 yang sedang berkuat kuasa.

Takrifan:

Cemerlang bermaksud mendapat Ijazah Sarjana Muda tidak kurang daripada 3.50/4.00 atau Kelas II (Tinggi) dan Ijazah Sarjana dengan PNGK tidak kurang dari 3.50/4.00. Penyetaraan PNGK selain daripada skala 4.00 adalah mengikut kelulusan Mesyuarat Senat ke-470 bertarikh 30 Oktober 2020.

Catatan:

Hanya bidang kritikal yang telah mendapat kelulusan Pengurusan Universiti sahaja yang akan dipertimbangkan untuk dilantik ke jawatan Pensyarah Universiti Gred DS45 (Sementara).

- Fakulti Perubatan: Bidang Kejururawatan
- Fakulti Kejuruteraan & Alam Bina: Bidang Seni Bina
- Fakulti Sains Kesihatan: Bidang Fisioterapi, Terapi Carakerja, Audiologi, Sains Pertuturan, Psikologi Klinikal, Optometri, Pengimejan Diagnostik & Radioterapi.
- Fakulti Sains & Teknologi: Bidang Aktuari
- Fakulti Undang-Undang: Semua Bidang

Kelulusan:

MPU Bil.13/2022 bertarikh 6 Disember 2022
Berkuat kuasa 1 November 2022

2. Pensyarah Universiti Gred DS51

- a) Ijazah Doktor Falsafah (PhD) dalam bidang berkaitan yang diiktiraf oleh kerajaan daripada institusi-institusi pengajian tinggi tempatan atau kelayakan yang diiktiraf setaraf dengannya; dan
- b) Membuktikan tahap kecemerlangan akademik yang terkemuka mutunya:
 - i. menerbitkan tiga (3) penulisan dalam jurnal yang diindeks oleh Scopus/WOS atau sebuah buku berwasit terbitan penerbit tersohor; dan
 - ii. telah membentang sekurang-kurangnya satu (1) kertas kerja secara lisan di dalam persidangan dalam bidang pengajian; dan
 - iii. mempunyai pengalaman berkaitan dalam bidang yang berkenaan; dan
 - iv. PNGK sekurang-kurangnya 3.00/4.00 di peringkat Ijazah Sarjana Muda atau yang setara dengannya. Penyetaraan PNGK selain daripada skala 4.00 adalah mengikut kelulusan Mesyuarat Senat ke-470 bertarikh 30 Oktober 2020.

Takrifan:

Penerbit Tersohor adalah seperti yang disenaraikan oleh Perpustakaan Tun Seri Lanang (PTSL).

3. Pensyarah Universiti Gred DS53 (Prof. Madya)

- a) Ijazah Doktor Falsafah (PhD) dalam bidang berkaitan yang diiktiraf oleh kerajaan daripada institusi-institusi pengajian tinggi tempatan atau kelayakan yang diiktiraf setaraf dengannya; dan
- b) Membuktikan tahap kecemerlangan akademik yang terkemuka mutunya:
 - i. menerbitkan sepuluh (10) penulisan dalam jurnal yang diindeks oleh Scopus/WOS yang dikira bermula pada pengajian di peringkat PhD; dan
 - ii. telah membentang sepuluh (10) kertas kerja secara lisan di dalam persidangan dalam bidang pengajian; dan
 - iii. mempunyai pengalaman berkaitan dalam bidang berkenaan; dan
 - iv. PNGK sekurang-kurangnya 3.00/4.00 di peringkat Ijazah Sarjana Muda atau yang setara dengannya. Penyetaraan PNGK selain daripada skala 4.00 adalah mengikut kelulusan Mesyuarat Senat ke-470 bertarikh 30 Oktober 2020.

Catatan:

Bagi calon pensyarah daripada Universiti Awam/Swasta dalam dan luar negara, syarat lantikan adalah mengikut syarat dan kriteria cemerlang kenaikan pangkat Pensyarah Universiti Gred DS54 yang sedang berkuat kuasa.

F/I/P perlu melaksanakan proses kesepakatan bagi lantikan ke jawatan Pensyarah Universiti Gred DS53 sebelum memajukan permohonan ke BSM.

Kelulusan:

4. Profesor Gred VK7 (DS)

- a) Ijazah Doktor Falsafah (PhD) dalam bidang berkaitan yang diiktiraf oleh kerajaan daripada institusi-institusi pengajian tinggi tempatan atau kelayakan yang diiktiraf setaraf dengannya; dan
- b) membuktikan tahap kecemerlangan akademik yang istimewa mutunya:
 - i. menerbitkan dua puluh (20) penulisan dalam jurnal yang diindeks oleh Scopus/WOS yang dikira bermula pada pengajian di peringkat PhD; dan
 - ii. telah membentang sepuluh (10) kertas kerja secara lisan di dalam persidangan dalam bidang pengajian; dan
 - iii. mempunyai pengalaman berkaitan dalam bidang berkenaan; dan
 - iv. PNGK sekurang-kurangnya 3.00/4.00 di peringkat Ijazah Sarjana Muda atau yang setara dengannya. Penyetaraan PNGK selain daripada skala 4.00 adalah mengikut kelulusan Mesyuarat Senat ke-470 bertarikh 30 Oktober 2020.

Catatan:

Bagi calon pensyarah daripada Universiti Awam/Swasta dalam dan luar negara, syarat lantikan adalah mengikut syarat dan kriteria cemerlang kenaikan pangkat Profesor Gred VK7 yang sedang berkuat kuasa.

F//P perlu melaksanakan proses kesepakatan bagi lantikan ke jawatan Profesor Gred VK7 sebelum memajukan permohonan ke BSM.

Kelulusan:

MPU Bil.13/2022 bertarikh 6 Disember 2022
Berkuat kuasa 1 November 2022